

Incumbensa Albertin concernent la consultaziun tar la revisiun da l'ordinaziun davart la protecziun dals biotops e da las cuntradas da palì d'impurtanza naziunala

L'october 2015 ha la regenza avert la consultaziun tar la revisiun da l'ordinaziun davart la protecziun dals biotops e da las cuntradas da palì d'impurtanza naziunala. Ils 26 da schaner 2016 ha la regenza deliberà la posiziun dal chantun Grischun per mauns da la confederaziun, concretamain da l'uffizi federal d'ambient (UFAM), concernent la revisiun da l'ordinaziun davart la protecziun dals biotops e da las cuntradas da palì d'impurtanza naziunala. Tenor las explicaziuns da cusseglier guvernativ Martin Jäger a chaschun da la sessiun da zercladur 2017, haja gì lieu ils 29 da zercladur 2016 ina discussiun cun cussegliera federala Doris Leuthard a Cuira (protocol dal cussegl grond da la sessiun da zercladur, p. 1081 s.). Ina resposta manchia anc, hai gì num en la sessiun da zercladur 2017. Tenor l'infurmaziun dal UFAM è la procedura da revisiun curt avant la terminaziun. Cun il conclus dal cussegl federal vegni fatg quint il cumenzament da settember 2017. Apparentamain na fan las pastgiras ed ils prads sitgs sco er las palids planivas dal chantun Grischun betg part da quest conclus dal cussegl federal. Quests objects vegnan determinads en in conclus separà suenter la rectificaziun spustada tranter la Confederaziun ed il chantun. Sin plaun chantunal sto pia vegnir realisada ina procedura da rectificaziun. Tenor las explicaziuns dal UFAM èn ils chantuns libers d'integrar las vischnancas, las federaziuns e persunas privatas en la procedura da rectificaziun.

Sut quest aspect vegn la regenza incumbensada

- d'integrar las vischnancas, las federaziuns sco er las proprietarias ed ils proprietari da bains immobigliars en il rom da la procedura da rectificaziun, e d'als dar l'ocasiun da s'exprimer en chausa, sche quai è pussaivel giuridicamain.
- da preschentar cun tge reservas che la regenza ha mess a disposiziun las datas chantunals a la confederaziun ed eventualmain d'adattar quellas suenter la procedura da rectificaziun.

Cuira, ils 2 da settember 2017

Albertin, Engler, Lamprecht, Blumenthal, Brandenburger, Caduff, Casanova (Glion), Casutt-Derungs, Clalüna, Cramer, Danuser, Darms-Landolt, Davaz, Della Vedova, Dosch, Epp, Fasani, Felix (Haldenstein), Florin-Caluori, Giacomelli, Grass, Hitz-Rusch, Hug, Jenny, Joos, Kasper, Koch (Tumein), Kollegger, Komminoth-Elmer, Kunfermann, Kunz (Cuira), Lorez-Meuli, Mani-Heldstab, Mathis, Michael (Donat), Müller, Niggli (Samedan), Niggli-Mathis (Grüsch), Papa, Pedrini, Salis, Schneider, Steck-Rauch, Stiffler (Tavau Plaz), Tomaschett (Breil), Toutsch, Troncana-Sauer, Valär, Weber, Widmer-Spreiter, Zanetti, Costa, Föhn, Geisseler, Günthardt, Natter, Schmid, Sigron